

სახელმწიფო შესყიდვის შესახებ ხელშეკრულება №0406/01

(CPV 15930000 - გამარტივებული შესყიდვა წარმომადგენლობითი ხარჯი)

ქ. თბილისი

04 ივნისი 2019 წელი

ერთი მხრივ, სსიპ „საქართველოს კომუნიკაციების ეროვნული კომისია“ (შემდგომში შემსყიდველი), წარმოდგენილი კომისიის თავმჯდომარის კახი ბექაურის სახით და მეორე მხრივ, შ.პ.ს. „ალკორიუმ გრუპ“ (შემდგომში მიმწოდებელი), წარმოდგენილი მისი დირექტორის სიმონ ესართიას სახით, ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში ხელშეკრულება) - „სახელმწიფო შესყიდვების შესახებ“ საქართველოს კანონის საფუძველზე, შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით, დამატებით და ასევე ყველა დოკუმენტაციით, რომლებზეც ხელშეკრულებაში არის მინიშნებული.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს საქონლის შესყიდვას სახელმწიფო შესყიდვის შესახებ ხელშეკრულების შესაბამისად.
- 1.5. „მიმწოდებელი“ - იურიდიული პირი, რომელიც შემსყიდველს აწვდის საქონელს სახელმწიფო შესყიდვის შესახებ ხელშეკრულების შესაბამისად.
- 1.6. „მიღება-ჩაბარების აქტი“ - წერილობითი დოკუმენტი, რომელიც ფორმდება საქონლის მიღების შემდეგ.

2. ხელშეკრულების საგანი

მიმწოდებელი შემსყიდველს მიაწვდის ღვინოს სასაჩუქრე შეფუთვით დანართი N1-ის შესაბამისად, ხოლო შემსყიდველი მიმწოდებელს გადაუხდის მიღებული საქონლის/მომსახურების საფასურს. აღნიშნული ღვინო განკუთვნილია სასაჩუქრედ, ბრიტანელი ექსპერტებისთვის.

3. ხელშეკრულების ღირებულება

ხელშეკრულების ჯამური ღირებულება შეადგენს 98,70 ლარი საქართველოს კანონმდებლობით გათვალისწინებული გადასახადების ჩათვლით - მათ შორის დღე.

4. ანგარიშსწორების ფორმა და ვადები

- 4.1. შემსყიდველი მიმწოდებელთან ანგარიშსწორებას ახორციელებს მიმწოდებლის მიერ მითითებულ საბანკო ანგარიშზე თანხის გადარიცხვით ეროვნულ ვალუტაში - ლარში.
- 4.2. მიმწოდებელთან ანგარიშსწორება იწარმოებს საქონლის მიღების თაობაზე მიღება-ჩაბარების აქტის შემსყიდველის მხრიდან ხელმოწერიდან და შესაბამისი ანგარიშ-ვაქტურის წარდგენიდან 5 (ხუთი) სამუშაო დღის ვადაში.

5. საქონლის მიწოდების ვადები და პირობები

- 5.1. საქონელი მიღებულად ჩაითვლება შემსყიდველსა და მიმწოდებელს შორის მიღება - ჩაბარების აქტის გაფორმების შემდეგ.
- 5.2. მიმწოდებელი უზრუნველყოფს შემსყიდველისათვის საქონლისა და მასთან დაკავშირებული მომსახურების მიწოდებას არაუგვიანეს 5 (ივნისი) ივნისი 18:00 საათისა, მისამართზე: ქ.თბილისი, ქეთევან წამებულის გამზირი/ბოჭორმის ქ. N50/18

6. სტანდარტები და გარანტია

- 6.1. მიმწოდებელი ვალდებულია უზრუნველყოს ხარისხიანი და სტანდარტების შესაბამისი საქონლის მიწოდება.
- 6.2. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი საქონლის დეფექტის ან ნაკლის აღმოფხვრა.

7. მხარეთა უფლება-ვალდებულებები

7.1. შემსყიდველი უფლებამოსილია:

7.1.1. განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი;

7.1.2. საქონლის მიწოდების დასრულებამდე გამოითხოვოს მიმწოდებლისაგან მისთვის საჭირო დოკუმენტი.

7.2. შემსყიდველი ვალდებულია:

7.2.1. უზრუნველყოს მიმწოდებლისათვის მიღებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

7.2.2. უზრუნველყოს წარმომადგენლის გამოყოფა, რომელიც ზედამხედველობას გაუწევს პროცესს და საჭიროების შემთხვევაში, მიმწოდებელს გაუწევს შესაბამის კონსულტაციას.

7.3. მიმწოდებელი უფლებამოსილია მოსთხოვოს შემსყიდველს საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4. მიმწოდებელი ვალდებულია მიაწოდოს სათანადო ხარისხის საქონელი სრული მოცულობით.

8. ხელშეკრულებით ნაკისრი ვალდებულებების შესრულების კონტროლი

8.1. შემსყიდველს ან მის წარმომადგენელს უფლება აქვს განახორციელოს კონტროლი მიმწოდებლის მიერ ნაკისრი ვალდებულებების შესრულებაზე ან/და შეამოწმოს საქონლის შესაბამისობა ხელშეკრულებით გათვალისწინებულ მოთხოვნებთან.

8.2. ხელშეკრულებით ნაკისრი ვალდებულებების შესრულებაზე კონტროლისა და შემოწმების განხორციელების უფლება ენიჭებათ კომისიის თანამშრომელს, სალომე ძმანაშვილი (აღნიშნული პირი არ იმყოფება მიმწოდებელთან ინტერესთა კონფლიქტში).

8.3. ხელშეკრულებით ნაკისრი ვალდებულებების შესრულების თაობაზე, შემსყიდველის მხრიდან შესაბამისი მიღება-ჩაბარების აქტის ხელმოწერაზე უფლებამოსილება ენიჭებათ კომისიის თანამშრომელს, სალომე ძმანაშვილი (აღნიშნული პირი არ იმყოფება მიმწოდებელთან ინტერესთა კონფლიქტში).

9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეებს დაეკისრებათ პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,1%-ის ოდენობით.

9.2. იმ შემთხვევაში, თუ დაკისრებული პირგასამტეხლოს ჯამური თანხა გადაჭარბებს ხელშეკრულების ჯამური ღირებულების 1 (ერთი) პროცენტს, მხარე იტოვებს უფლებას შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების ან/და დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულება შეიძლება შეწყდეს ვადაზე ადრე მხარეთა შეთანხმებით ან კანონმდებლობით გათვალისწინებულ შემთხვევებში.

10.3. ხელშეკრულების ერთ-ერთი მხარის მიერ, ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, აღნიშნულის თაობაზე მეორე მხარისათვის წერილობითი შეტყობინების შემდეგ.

10.4. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულების შესრულებისაგან.

10.5. შემსყიდველს, შეუძლია მიიღოს გადაწყვეტილება ხელშეკრულების შეწყვეტის შესახებ, ასევე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების ან/და ლიკვიდაციის შემთხვევაში;

გ) თუ მისთვის ცნობილი გახდა, რომ მიმწოდებლის მიერ წარმოდგენილი დოკუმენტაცია ყალბია;

დ) საქართველოს კანონმდებლობით გათვალისწინებულ სხვა შემთხვევაში.

10.6. ამ მუხლის 10.5. პუნქტის ა) ქვეპუნქტში მითითებულ შემთხვევაში შემსყიდველი ვალდებულია აუნაზღაუროს მიმწოდებელს ფაქტობრივად მიწოდებული საქონლის ღირებულება.

11. გამოყენებული სამართალი და ხელშეკრულების ენა

11.1. ხელშეკრულება გაფორმებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.
 11.2. ხელშეკრულება დაიწერა ქართულ ენაზე, ორ ვერსიასა და ორივე ვერსიას აქვს თანაბარი იურიდიული ძალა.

12. გადასახადები და დაბეგვრა

მიმწოდებელი პასუხს აგებს საქართველოს კანონმდებლობით დადგენილი გადასახადის, მოსაკრებლის და სხვა გადასახადების გადახდაზე.

13. დაუძლეველი ძალა

13.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით.
 13.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის შესახებ.
 13.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

14. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, მხარეები უფლებამოსილნი არიან დავის გადასაწყვეტად მიმართონ საქართველოს შესაბამის სასამართლოს საქართველოს კანონმდებლობის შესაბამისად.

15. ინტერესთა კონფლიქტის თავიდან აცილება

შემსყიდველის მხრიდან ხელშეკრულებაზე ხელის მოწერი პირი, ხელშეკრულების ვიზირებაზე ხელისმოწერი პირები და მიმწოდებლის მიერ, ხელშეკრულებით ნაკისრი ვალდებულების შესრულებაზე მკონტროლებელი პირები ვადასტურებთ, რომ არ ვიმყოფებით ინტერესთა კონფლიქტში ხელშეკრულებაში მითითებულ მიმწოდებელთან „სახელმწიფო შესყიდვების შესახებ“ საქართველოს კანონის მე-8 მუხლის შესაბამისად.

16. ხელშეკრულების მოქმედების ვადა

ხელშეკრულება ძალაში შედის ხელმოწერის დღიდან და მოქმედებს 2019 წლის 01 აგვისტოს ჩათვლით.

შემსყიდველი:

მიმწოდებელი:

| | |
|---|---|
| <p>სსიპ „საქართველოს კომუნიკაციების ეროვნული კომისია“ მისამართი: ქ. თბილისი, ქეთევან წამბულის გამზირი/ბოჭორმის ქ. №50/18 საიდ. კოდი: 204953050 სს „თი ბი სი ბანკი“ ა/ა: GE11TB060000000609326</p> | <p>შ.პ.ს. „ალკორითეილ გრუპ“ ს/კ: 406222859 სს „თიბისი ბანკი“ საბანკო კოდი: TBCBGE22 ა/ა: GE36TB7144036080100006</p> |
|---|---|

კომისიის თავმჯდომარე



კახი ბეჭაური

დირექტორი



დანართი N1

| # | დასახელება | განზ. | რაოდენობა | ერთეულის ღირებულება (ლარებში) | ჯამური ღირებულება (ლარი) |
|----|-----------------------------|-------|-----------|-------------------------------|--------------------------------|
| 1. | შატო მუხრანის თამადა წითელი | ცალი | 1 | 51 | 51 |
| 2. | შატო მუხრანის თამადა თეთრი | ცალი | 1 | 44,70 | 44,70 |
| 3. | სასაჩუქრე ჩანთა | ცალი | 2 | 3 | 3 |
| | | | | | ჯამი: 98,70 ლარი დღგ-1 ჩათვლით |

შემსყიდველი:

სსიპ „საქართველოს კომუნიკაციების ეროვნული კომისია“
მისამართი: ქ. თბილისი, ქეთევან წამებულის გამზირი/ზოჭორმის ქ. №50/18
საიდ. კოდი: 204953050
სს „თი ბი სი ზანკი“
ა/ა: GE11TB060000000609326


მიმწოდებელი:

შ.პ.ს. „ალკორითეილ გრუპ“
ს/კ: 406222859
სს „თიბისი ზანკი“
საბანკო კოდი: TBCBGE22
ა/ა: GE36TB7144036080100006

კომისიის თავმჯდომარე



დირექტორი




მიღება - ჩაბარების აქტი

სსიპ „საქართველოს კომუნიკაციების ეროვნულ კომისიას“ (შემდგომში „კომისია“) და შ.პ.ს. „ალკორითეილ გრუპ“ შორის, 2019 წლის 04 ივნისი №0406/02 გაფორმებული ხელშეკრულების შესაბამისად, ერთი მხრივ, კომისიის წარმომადგენელმა სალომე ძმანაშვილმა ჩაიბარა, ხოლო მეორე მხრივ შ.პ.ს. „ალკორითეილ გრუპ“ წარმომადგენელმა დეკანოზიძე ჩააბარა ხელშეკრულებით გათვალისწინებული საქონელი და მასთან დაკავშირებული მომსახურება, ხელშეკრულების 5.2 მუხლით დადგენილ ვადაში. მოწოდებული საქონლის და მომსახურების დასახელება, ღირებულება და რაოდენობა იხ. ცხრილში.

| # | დასახელება | განზ. | რაოდენობა | ერთეულის ღირებულება (ლარებში) | ჯამური ღირებულება (ლარი) |
|----|-----------------------------|-------|-----------|-------------------------------|--------------------------------|
| 4. | შატო მუხრანის თამადა წითელი | ცალი | 1 | 51 | 51 |
| 5. | შატო მუხრანის თამადა თეთრი | ცალი | 1 | 44,70 | 44,70 |
| 6. | სასაჩუქრე ჩანთა | ცალი | 2 | 3 | 3 |
| | | | | | ჯამი: 98,70 ლარი დღგ-ს ჩათვლით |

ჩააბარა

შ.პ.ს. „ალკორითეილ გრუპ“



ჩაიბარა

კომისიის მხრიდან

